

BOSNA I HERCEGOVINA  
Federacija Bosne i Hercegovine  
TUZLANSKI KANTON  
**Kantonalni štab civilne zaštite**

Broj:02/24-40-006486-2N/20  
Tuzla, 18.03.2020. godine

Na osnovu člana 21. tačke c), f) i g) Zakona o zaštiti i spašavanju ljudi i materijalnih dobara od prirodnih i drugih nesreća u Tuzlanskom kantonu („Službene novine TK“, broj 10/08 i 8/15), članova 21. i 29. tačka 2) Pravilnika o načinu rada i funkcioniranja štabova i povjerenika civilne zaštite („Službene novine Federacije BiH“, broj 77/06, 5/07 i 32/14), te člana 18. Poslovnika o radu Kantonalnog štaba civilne zaštite, a u vezi naredbe Federalnog štaba civilne zaštite, broj: 12-40-6-148-5/20 od 17.03.2020. godine, Kantonalni štab civilne zaštite, na 2. vanrednoj sjednici, održanoj 18.03.2020. godine, d o n o s i

## N A R E D B U

### I

Zbog nedostatka medicinskog osoblja za sprovođenje naredbe Federalnog štaba civilne zaštite broj: 12-40-6-148-5/20 od 17.03.2020. godine, Kantonalni štab civilne zaštite naređuje direktoru Zavoda za javno zdravstvo Tuzlanskog kantona da osigura stručnu pomoć osoblju kantonalnog operativnog centra civilne zaštite Tuzlanskog kantona putem dežurnog telefona, koji će biti dostupan neprekidno 24 sata dnevno.

### II


Za sprovođenje ove naredbe odgovorni su direktor Zavoda za javno zdravstvo Tuzlanskog kantona i šef Kantonalnog operativnog centra civilne zaštite.

### III

Ova naredba stupa na snagu odmah.

Dostaviti:

1. Zavod za javno zdravstvo TK
2. evidencija
3. a/a



**KOMANDANT ŠTABA**

Mustafa Šakić

BOSNA I HERCEGOVINA  
Federacija Bosne i Hercegovine  
TUZLANSKI KANTON  
**Kantonalni štab civilne zaštite**

Broj:02/24-40-006486-4N/20  
Tuzla, 18.03.2020. godine

Na osnovu člana 21. tačke c), f) i g) Zakona o zaštiti i spašavanju ljudi i materijalnih dobara od prirodnih i drugih nesreća u Tuzlanskom kantonu („Službene novine TK“, broj 10/08 i 8/15), članova 21. i 29. tačka 2) Pravilnika o načinu rada i funkcioniranja štabova i povjerenika civilne zaštite („Službene novine Federacije BiH“, broj 77/06, 5/07 i 32/14), te člana 18. Poslovnika o radu Kantonalnog štaba civilne zaštite, Kantonalni štab civilne zaštite, na 2. vanrednoj sjednici, održanoj 18.03.2020. godine, d o n o s i

**NAREDBA**  
**o izmjeni Naredbe**

**I**

Naredba Kriznog štaba Ministarstva zdravstva Tuzlanskog kantona, broj: 13/1-33-2027-10-1/20 od 16.03.2020. godine, donesena u cilju preveniranja pojave i širenja oboljenja koje izaziva koronavirus (COVID – 19) na području Tuzlanskog kantona, mijenja se i glasi:

u tački 4., iza stava 2. dodaje se stav 3. koji glasi:

„Od ove Naredbe se izuzima  
-rad restorana na Međunarodnom aerodromu Tuzla, isključivo za dostavu hrane u kancelarije uposlenika aerodroma“.

u tački 5., iza stava 1. dodaje se stav 2. koji glasi:

„Od ove Naredbe se izuzimaju  
-lanci specijaliziranih prodavnica (DM i CM) koje se bave prodajom hrane za bebe i dezinfekcionih sredstava“.

u tački 6., iza stava 1. dodaje se stav 2. koji glasi:

„Naređuje se trgovinama osnovnim prehrambenim artiklima – supermarketi, tržnice, pekare, apoteke, benzinske pumpe na području Tuzlanskog kantona da osiguraju protok kupaca i klijenata na način da se omogući potrebna socijalna distanca od najmanje 1,5 m između osoba uz poštivanje ostalih higijensko-epidemioloških mjera“, u skladu sa Naredbom Federalnog štaba civilne zaštite, broj: 12-40-6-148-13/20 od 17.03.2020. godine.

**II**

Ova Naredba o izmjeni Naredbe stupa na snagu danom donošenja.

Dostaviti:

- 1x Međunarodni aerodrom Tuzla (restoran)
- 1x dm drogerie markt d.o.o.
- 1x CM-Cosmetik Market
- 1x evidencija
- 1x a/a
- 1x Gradovi/općine (krizni štabovi)
- 1x Gradovi / općine (mjesnim zajednicama)
- 1x JZU/PZU / Privatni zdravstveni radnici/apoteke TK
- 1x Ministarstvo trgovine, turizma i saobraćaja TK – obavijestiti resor
- 1x Ministarstvo obrazovanja i nauke TK – obavijestiti resor
- 1x Ministarstvo za kulturu, sport i mlade TK – obavijestiti resor
- 1x Ministarstvo privrede TK – obavijestiti resor
- 1x KUIP TK
- 1x FUIP TK
- 1x ZZO TK
- 1x mediji
- 1x a/a



**KOMANDANT ŠTABA**

Mustafa Šakić

BOSNA I HERCEGOVINA  
Federacija Bosne i Hercegovine  
TUZLANSKI KANTON  
**Kantonalni štab civilne zaštite**

Broj:02/24-40-006486-1N/20  
Tuzla, 18.03.2020. godine

Na osnovu člana 21. tačke c), f) i g) Zakona o zaštiti i spašavanju ljudi i materijalnih dobara od prirodnih i drugih nesreća u Tuzlanskom kantonu („Službene novine TK“, broj 10/08 i 8/15), članova 21. i 29. tačka 2) Pravilnika o načinu rada i funkcioniranja štabova i povjerenika civilne zaštite („Službene novine Federacije BiH“, broj 77/06, 5/07 i 32/14), te člana 18. Poslovnika o radu Kantonalnog štaba civilne zaštite, Kantonalni štab civilne zaštite, na 2. vanrednoj sjednici, održanoj 18.03.2020. godine, d o n o s i

**N A R E D B U**

**I**

Zadužuju se gradske/općinske službe i štabovi civilne zaštite da osiguraju neprekidan rad operativnih centara civilne zaštite, u skladu sa članom 150. stav (4) Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", br. 39/03, 22/06 i 43/10).

**II**

Operativni centri će putem broja 121 zaprimati sve pozive koji se odnose na pojavu zarazne bolesti uzrokovane korona virusom (COVID-19), kao što je prijava novih slučajeva, prijava nepoštivanje rješenja o samoizolaciji ili drugih naredbi koje donose nadležni organi a koji se odnose na ponašanje stanovništva u situaciji povećane opasnosti od širenja zarazne bolesti uzrokovane koronavirusom (COVID-19).

**III**

Za sprovođenje ove naredbe odgovoran je komandant općinskog/gradskog štaba civilne zaštite.

**IV**

Ova naredba stupa na snagu odmah.

Dostaviti:

1. gradski/općinski štabovi civilne zaštite
2. evidencija
3. a/a



**KOMANDANT ŠTABA**

Mustafa Šakić

2